

UGOVOR O SARADNJI

Između:

1. MUZIČKE AKADEMIJE U SARAJEVU, [REDACTED]

2. JU SARAJEVSKE FILHARMONIJE, [REDACTED]

Član 1.

Ovaj Ugovor se zaključuje radi uspostavljanja i regulisanja saradnje između ugovornih strana u cilju:

- realizacije praktične nastave studenata instrumentalnih odsjeka i Odsjeka za dirigovanje Univerziteta u Sarajevu - Muzičke akademije u JU Sarajevskoj filharmoniji
- učešća ugovornih strana u realizaciji zajedničkih projekata
- učešća zaposlenika JU Sarajevske filharmonije koji posjeduju odgovarajući izbor u zvanje u realizaciji nastave na Muzičkoj akademiji u Sarajevu kao i zaposlenika koji nemaju potreban izbor u zvanje u svojstvu stručnjaka iz prakse

I REALIZACIJA PRAKTIČNE NASTAVE

Član 2.

Ugovorne strane su saglasne, da shodno mogućnostima JU Sarajevske filharmonije, studenti instrumentalnih odsjeka i Odsjeka za dirigovanje Univerziteta u Sarajevu - Muzičke akademije mogu dio svoje praktične nastave obavljati u JU Sarajevskoj filharmoniji i to na način da učestvuju aktivno ili pasivno na probama orkestra JU Sarajevske filharmonije.

Član 3.

JU Sarajevska filharmonija će, u skladu sa svojim mogućnostima, uključivati studente Univerziteta u Sarajevu - Muzičke akademije u vlastite projekte, čime će im pružiti mogućnost da učestvuju u velikim profesionalnim projektima i nastupaju u koncertnim prostorima koji inače nisu dostupni za akademske projekte.

II UČEŠĆE UGOVORNIH STRANA U REALIZACIJI ZAJEDNIČKIH PROJEKATA

Član 3.

U skladu sa mogućnostima i potrebama koncertne sezone JU Sarajevske filharmonije, ugovorne strane mogu zajedno učestvovati u pripremi muzičkih projekata u kojima bi pored zaposlenika JU Sarajevske filharmonije učestvovali i studenti i nastavno osoblje Univerziteta u Sarajevu - Muzičke akademije.

III UČEŠĆE ZAPOSLENIKA JU SARAJEVSKJE FILHARMONIJE U REALIZACIJI NASTAVE NA MUZIČKOJ AKADEMIJI

Član 4.

Ugovorne strane su saglasne da, ukoliko neko od zaposlenika JU Sarajevske filharmonije posjeduje izbor u nastavničko ili saradničko zvanje koje je stekao na Univerzitetu u Sarajevu - Muzičkoj akademiji u Sarajevu, može biti angažovan u izvođenju nastave ili dijela nastave na instrumentalnim odsjecima i Odsjeku za dirigovanje Univerziteta u Sarajevu - Muzičke akademije.

Član 5.

Ugovorne strane su saglasne, da Muzička akademija u Sarajevu može, shodno vlastitim potrebama, zaposlenike JU Sarajevske filharmonije koji ne posjeduju izbor u nastavničko ili saradničko zvanje, angažovati u svojstvu stručnjaka iz prakse za realizaciju dijela nastave na instrumentalnim odsjecima i Odsjeku za dirigovanje.

Član 6.

U slučajevima iz člana 4. i 5. ovog Ugovora, Univerzitet u Sarajevu - Muzička akademija će sa angažovanim osobljem zaključiti pojedinačne ugovore o djelu kojima će regulisati međusobna prava i obaveza.

IV TRAJANJE UGOVORA

Član 7.


Ovaj Ugovor se zaključuje na period od 5 (pet) godina, s tim da se isti može produžiti na osnovu sporazuma ugovornih strana.

V PRELAZNE I ZAVRŠNE ODREDBE


Član 8.

Ovaj ugovor se zaključuje u 4 (četiri) primjerka od kojih svaka ugovorna strana zadržava po 2 (dva) primjerka.

JU SARAJEVSKA FILHARMONIJA



MUZIČKA AKADEMIJA U SARAJEVU



Sarajevo, 12.06.2025. godine

